

廬江縣志卷之一

同知銜 賞戴花翎陞用直隸州知廬江縣事錢 鏞玉修

天文

星分

周官保章氏以星土辨地所封封域皆有分星漢志以下詳言之矣星紀分吳越幅員五六千里彈丸廬邑若無與星占然眾星環乎北極萬國統乎京師甯謂躔次遼闊無關體要歟矧楚地入翼軫淮泗以南半涉牛女廬以斗分介其間猶郡國邊陲益宜清其疆理

星紀 帝王世紀自斗十一度至婺女七度曰星紀之次於辰

廬江縣志

卷之一

天文

星分

一

在丑於律爲黃鍾斗建在子今吳越分野 爾雅星紀斗牽牛

吳分野 史記天官書南斗牽牛須女皆爲星紀於辰在丑越

之分野而斗牛爲吳之分野 前漢地理志吳地斗分野會稽

九江丹陽豫章廬江廣陵六安臨淮郡盡吳分也 晉天文志

斗十二度至須女七度爲星紀屬揚州又註云費直起斗十度

蔡邕起斗六度 明清類分野書自斗三度至女一度屬吳越

主揚州

按分野之說以天之十二次配地十二國考之方域多有錯互唐一行以黃河爲北河江爲南河中分天下爲南戒北戒兩戒俱西爲上東爲下因以陰陽進退及天之雲漢升沈配之是月

星躔當雲漢之上流則配兩戒上流之地是月星躔當雲漢之下流則配兩戒下流之地十一月一陽生星躔在丑適當雲漢下流故丑分野窮東南下流之地則吳越分也若楚地雖接吳越而當南戒正中純陽之位惟建巳之月應焉故分鶉尾唐志星紀分野首廬江地則唐之廬江縣卽今縣境也其謂鶉尾分野東達廬江則漢之廬江郡兼吳楚境者也或疑星紀在北而地屬南吳楚接壤而丑與巳遙分者可以豁然矣

斗六度 晉天文志州郡躔次陳卓范蠡鬼谷先生張良諸葛亮譙周京房張衡並云斗牽牛須女吳越揚州九江入斗一度廬江入斗六度豫章入斗十度丹陽入斗十六度會稽入牛一

廬江縣志

卷之一

天文

星分

二

度臨淮入牛四度廣陵入牛九度泗水入女一度六安入女六度

按晉志吳地雜牛女惟廬江入斗最深六安爲郡西北境已入女六則概以府分屬斗度者亦誤第唐志以南斗當淮海間盡吳分自豫章迄會稽屬牽牛爲越分則以江之南北分斗牛與晉志異要之廬江屬斗度審矣

斗第五星 宋天文志南斗六星第一星主吳第五星主廬江元史同

熒惑 星經曰熒惑主霍山揚州荊州交州

烏衡 前漢志吳楚之疆候熒惑占烏衡謂南宮朱烏權衡也

開陽 北斗第六星也星經曰斗第六星主揚州常以五巳日
候之乙巳爲豫章辛巳爲丹陽己巳爲廬江丁巳爲吳郡會稽
癸巳爲九江凡六郡又廣雅徐揚屬斗第四權星晉志亦云斗
四主吳其說小異

上台下級 緯書荆揚屬上台之下級

丙丁 前漢志丙丁江淮岱一說丙楚丁南夷南夷吳越也
戊 前漢志戊吳越

廬江縣志

卷二 輿地

230.107
39
部=2

廬江縣志卷之二

同知銜 賞戴花翎陞用直隸州知廬江縣事錢 鏞主修

輿地

疆域

鄭漁仲有言禹貢分州必以山川定經界使兗州可移而濟河之兗州不能移梁州可遷而華陽黑水之梁州不能遷後之史氏正以方隅郡國併遷方隅顛錯允哉斯言志輿地者之準則也廬江西南際山與桐城舒城接壤東北際水與合肥巢縣無爲州接壤詳其四至八道表以山川使覽者披籍如覩焉

縣在漢名舒屬廬江郡得今縣境及桐城縣之北境舒城縣之

廬江縣志

卷之二

輿地

疆域

一

東境無爲州之西南境短長相覆可數百里固屹然一雄邑也其桐城舒城之境爲舒縣之所不及者於漢爲龍舒地無爲州之地自襄安臨湖二邑屬九江郡外東偏之境亦多係舒縣故壤劉宋時省龍舒入舒縣則與六安州霍山連接東西相距幾三百里焉及晉以後分廬江置晉熙郡宋又割晉熙置呂亭左縣而舒之南境較狹矣唐改同安縣爲桐城析合肥廬江地爲舒城縣則桐城之北境舒城之東境盡取諸舒而龍舒故地悉以分畀桐舒二縣其不盡者始屬廬江宋熙甯三年又分巢縣廬江置無爲縣則廬江之東境又析以入無爲其視漢之舒縣蓋僅得十之五六云自漢以後增損離合之迹年代悠遠難以

詳知其可得而推尋者則據諸史書地理志所載山名今可指稱者標其一二如左自明以來其分畫界限則詳而載之

按廬江縣境今則東南與無爲接境西南與桐城接境西北與舒城接境東北與合肥巢縣接境長短廣狹道里顯然其在昔名舒之時除北與合肥接界東北與巢縣接界以焦湖南各圩顯分外而舒城東境桐城北境固皆爲舒境卽今無爲西南境皆當時舒境於周稱荆舒於漢稱舒縣是也舒縣始屬廬江郡及晉以後分廬江郡置晉熙郡至宋割晉熙南境置呂亭左縣屬於桐城省龍舒西境入舒城則舒城東境桐城北境外自爲廬江西境界南境界矣迨熙甯三年又析廬江東北境與巢縣

廬江縣志

卷之二

輿地

疆域

二

西南境置無爲縣故廬江東北境其未析入無爲者又較狹此中割郡置縣析地分界致今日之廬江自東至西自南至北境界僅存百餘里大非昔日舒縣之境地寬廣矣是以詳考而再誌焉

後漢志舒有桐鄉註古桐國南齊置呂亭左縣今呂亭驛其故縣也自隋唐以前爲舒縣地

又舒縣劉昭注引昭五年左傳吳敗楚鵲岸杜預曰廬江舒縣有鵲尾渚是也後人多以今舒城縣東北鵲亭當之按鵲頭鵲尾屢見南北史皆濱江之地不應在舒城杜佑通典云南陵大江中有鵲尾洲卽古鵲岸又今江南池州府銅陵縣西北十里

有鵲頭山高聳臨江故江曰鵲江岸曰鵲岸江南通志亦云鵲尾渚與銅陵鵲頭山相對當在無爲州此說近是蓋無爲州於宋時分廬江地置則漢時固爲舒縣地也

隋書志廬江縣注有冶甫山上薄山三公山江南通志云上薄山卽桐山在無爲州西九十里有水道通白湖三公山在無爲州西南境內二山皆在無爲而隋志列於廬江縣內可知未分置無爲以前其山自屬廬江縣境內

明史志廬江縣東北有冶父山東有巢湖卽焦湖東南有黃陂湖西有冷水關設巡檢司

國朝江南通志廬江東八十里至石塘巢縣界西四十里至界牌

廬江縣志

卷之二

輿地

疆域

三

舒城縣界南五十里至分水嶺安慶府桐城縣界北七十里至三河鎮合肥縣界

按石塘距治二十里在縣東北境內非與巢縣接界處所其北三河鎮祇距治六十里通志七十里譌

縣境界考

東西廣一百二十里

南北袤一百二十里

正東四十里至青帘河

此水舊不得名今據南齊書知古名浣川

河水自西東流經

迎水庵上流廬江縣地下流無爲州地河南圩爲廬江縣地河北圩爲無爲州地

正西四十里至界牌山西爲舒城縣地東爲廬江縣地
正南六十里至分水嶺南爲桐城縣地北爲廬江縣地

正北四十五里至新口渡南爲廬江縣地北爲合肥縣地東繞
至齊頭嘴薛公廟抵巢湖

東南六十里至高奇嶺連峯相屬嶺勢稍平爲桐廬分界之所
嶺南爲桐城縣地嶺北爲廬江縣地又至分鄉嶺南爲無爲州
地北爲廬江縣地

按通志南至高奇嶺今按嶺在治東南非正南也又舊志南至
羅昌河今按羅昌河非分界之所過此五里爲青竹澗乃桐廬
分界處也

廬江縣志

卷之二

輿地

疆域

四

東北七十里至造河東北爲巢縣地西南爲廬江縣地又至豬
頭山東爲巢縣地西爲廬江縣地南爲無爲州地

按舊志東北至盛家橋今按盛家橋非廬巢分界之所

西南五十里至葛家廟爲上界河至壞陵岡爲下界河河水分
流又曰分流河西南爲桐城縣地東北爲廬江縣地

西北七十里至中吳橋河北爲合肥縣地南爲廬江縣地

縣道里考

東至無爲州城一百八十里

西至舒城縣城九十里

南至安徽省城二百五十里

北至廬州府城一百五十里又至北京城水路四千三百里陸路二千七百里

西南至桐城縣城九十里

東北至巢縣城一百八十里又至南京城水路六百里陸路五百里

縣形勢考

羣商之扼會萬貨之泉藪

本宋碑記

山川盤礴風氣完固

本王章記

三公盤礴乎其東馬槽屹峙乎其西北控巢湖南帶繡溪內資陂澤之饒外藉水路之便實淮西之要邑江北之名區

本明志

廬江縣志

卷之二

輿地

疆域

五

巢湖限其北白湖環其東西南則舒桐諸山爲之屏蔽水達江淮陸走英霍泉甘土肥秔稻之區

縣鄉圖考

按太平寰宇記廬江縣舊十二鄉今七鄉元豐九域志廬江縣十一鄉舊志云本縣宋時轄鄉一十有二熙甯三年割置無爲縣後或省或改僅存其六城鄉原轄一十九里明成化五年知縣梅江增在城一里共編戶二十里云

在城轄四里

在城廂內外

一圖 二圖 三圖 四圖

廬江鄉轄五里

在治西北

一圖 二圖 三圖 四圖 五圖

南慕善鄉轄二里 在治北

一圖 二圖

北慕善鄉轄一里 在治東北

一圖

三公鄉轄二里 在治東南

一圖 二圖

安豐鄉轄二里 在治東

一圖 二圖

新興鄉轄四里 在治西南

廬江縣志

卷之二

輿地

疆域

一圖 二圖 三圖 四圖

廬江縣志卷之二

輿地

沿革

廬江之名昉於山海經漢以之建國復以之置郡由來尚矣顧其建國也提封混乎江之南北逮其置郡則掄標為二方南曰豫章北曰廬江舒為郡治今邑境其舊壤焉自隋世以來郡治移而郡名遂施於縣合離遷附年代頗悠然而溯源千餘年之故封可指掌求也

禹貢屬揚州

書經傳說彙纂及地理今釋今廬州安慶池州太平甯國徽州

廬江縣志

卷之二

輿地

沿革

七

鳳陽府滁和廣德州定遠霍邱盱眙天長縣壽州

春秋為舒國後為楚地

春秋僖公三年徐人取舒杜預註今廬江舒縣左傳文公十二

年羣舒叛楚註羣舒偃姓舒庸舒鳩之屬今廬江南有舒城廬江

郡南有舒縣西南有龍舒舒縣西南有龍舒舒故城正義曰舒庸舒蓼舒

鳩舒龍舒鮑舒龔以其非一故言屬以包之按羣舒當如杜註

孔疏所云釋例土地名以舒與羣舒舒蓼舒庸舒鳩並列為五

名者非是又按舒僖三年見經至文十二年楚子孔執舒子平

疑自後遂滅於楚舒蓼文十四年見傳宣八年滅於楚舒鳩襄

二十四年見傳二十五年滅於楚定二年復見蓋楚復之而終

屬於楚也 春秋時楚虺國當在今廬江舒城二邑之間

秦屬九江郡

通考古揚州秦置九江郡注今鍾離壽春永陽歷陽廬江同安
蕪春等郡是也 史記項羽本紀大司馬周殷以舒屠六

漢初屬淮南國

史記漢高帝四年封英布為淮南王十一年布反國除即其地
封子長為淮南王凡四郡徐廣曰九江廬江衡山豫章也
文帝十六年屬廬江國

文帝六年長以罪死十六年分淮南地為淮南衡山廬江三國
封其三子安為淮南王得九江郡地勃為衡山王得衡山郡地

廬江縣志

卷之二

輿地

沿革

八

二國之境皆在江北賜為廬江王得廬江豫章二郡之地其境

跨江南北 豫章郡在江之南今江西省地廬江郡在江之北今

之霍山潁州之霍邱湖廣之黃梅廣濟等處是也 至王之國都則在江南有史記淮南

王傳可據 傳云徙廬江王賜 江南通志以為即今廬江縣者誤

矣

景帝四年縣名舒屬廬江郡郡治在焉

景帝時以廬江王邊越數使使相交既徙衡山王於濟北因徙

廬江王於衡山而以廬江王之南部依舊為豫章郡 豫章本高

帝時故郡 北部置為廬江郡領縣十二首舒郡治在焉今廬江縣治西南

有大城或以為即其故址也 後漢書廬江郡舒有桐鄉則兼

有今桐城縣地特不能定其疆域之所至耳 前漢地理志舒縣註故國莽曰昆鄉 宋史志廬江縣有崑山礬場今廬江縣治東南有大小礬山爲產礬之所

後漢屬廬江郡仍爲郡治

後漢郡國志廬江郡仍首舒其龍舒縣別建爲侯國

三國爲吳地屬廬江郡郡治皖

三國時仍名舒胡三省通鑑註魏得漢之九江廬江二郡而江津要害之處多爲吳所據名勝志云舒居巢襄安等縣皆在邊江吳盡有之 三國志呂蒙拜廬江太守還屯尋陽

晉屬廬江郡郡治徙陽泉隸揚州

廬江縣志

卷之二

輿地

沿革

九

晉書地理志廬江郡統縣十首陽泉次日舒曰龍舒蓋郡治徙陽泉卽後漢陽泉侯國舒縣仍舊名龍舒侯國復爲縣

東晉屬廬江郡隸揚州其末年以隸豫州

按宋書志成帝咸和四年僑立豫州但僑置之郡乃屬僑置之州廬江自屬揚州故劉毅猶以豫州刺史督揚州之廬江郡事及劉裕奏行土斷則廬江郡屬豫州矣安帝時又割廬江郡之南部置晉熙郡

宋屬廬江郡隸豫州郡治徙潛

按宋書志永初二年分淮東爲南豫州治歷陽淮西爲豫州是時廬江郡屬南豫州治潛縣卽今六安州霍山縣也舒仍爲屬

縣省龍舒文帝元嘉二十五年割其南境置呂亭左縣今桐城境也而北境則并於舒今廬江之西南境也

齊屬廬江郡復爲郡治隸南豫州

齊書地理志廬江郡領縣七首舒註云建元二年爲郡治初屬

豫州永明二年割屬南豫州四年改屬西豫州其時豫州亦七

年仍還南豫州

梁爲廬江郡治改舒名潛魏因之

按梁書無地理志魏書地形志云合州統八郡蕭衍置魏因之廬江郡在其內領縣三首潛註云有野父山故知梁改舒爲潛也 梁書裴遂傳天監初爲廬江太守通鑑註梁置廬江郡治

廬江縣志

卷之二

輿地

沿革

十

潛縣 明一統志云梁始置廬江縣隋志於廬江縣註云齊於

此置廬江郡梁置湘州後齊州廢隋開皇初郡廢廢郡置廬州據此

則梁於此置湘州而廬江郡如故未嘗別立廬江縣也今考梁書紀傳

不見於廬江置鎮之事
雖隋志云然恐有舛誤

陳屬廬江郡

梁陳無志可考今按鄭樵通志云梁武受禪頻年與魏軍交戰於淮南淮北互有勝負而廬江郡嘗沒於魏今魏書有廬江郡是也及侯景平後元帝承聖初齊將辛術南伐盡取淮南江北之地是廬江郡又嘗沒於高齊又云陳氏土宇西不得蜀漢北失淮肥以長江爲境宣帝大建中頻年北伐盡復淮南之地後

爲周師所敗江北之地盡沒於周又以長江爲境是廬江郡又沒於周矣 北魏地形志廬江郡領縣三首潛註有野父山野父或稱治父或稱治甫實一山也是廬江縣亦名潛矣此潛縣即漢之舒縣非春秋昭二十七年吳師圍潛之潛也其接壤者爲西汝南郡領縣二首安城註有金牛山當卽縣西北境之金牛山也當時南北紛爭沿邊戍守多設郡縣相爲犄角故廬邑遂有兩郡治亦未可知

隋徙廬江郡治於合肥改舊治爲廬江縣

合肥在梁爲台州隋初於此置廬州後爲廬江郡領縣七其所屬之廬江縣卽今廬江及舒城之東境也

按舒改爲廬江通考謂始於隋名勝志謂始於梁謂始於隋者

廬江縣志

卷之二

輿地

沿革

十一

以隋書始有廬江縣也謂改於梁者以隋書不言始置故疑爲梁改也然梁無志書可考則其說似未可憑仍當以隋改爲是又按後漢書郡國志序云凡縣名先書者郡所治也廬江郡首舒是舒爲郡治矣齊志廬江郡舒縣下注云建元二年爲郡治隋書廬江縣下注云齊置廬江郡蓋自齊以前或治陽泉或治潛是時復還治舒耳及隋時郡治旣移建於合肥猶欲存其舊名故易舒爲廬江縣也

唐初屬廬州天寶初改州爲郡屬廬江郡爲緊縣隸淮南道郡治仍在合肥領縣五廬江縣仍舊開元二十三年析合肥廬江兩縣地置舒城縣卽今之舒城也

五代屬廬州

州治仍在合肥領縣四廬江縣仍舊通鑑注吳置德勝軍於廬州南唐置昭順軍周克淮南改爲保信軍

宋屬無爲軍爲望縣隸淮南西路

宋初屬廬州保信軍太平興國三年以巢縣之無爲鎮置爲軍割廬州之廬江巢縣以屬焉熙寧三年又析廬巢兩縣地置無爲縣屬無爲軍 宋史地理志紹興初寄治巢縣乾道二年置司和州五年復舊

元屬無爲州爲中縣隸河南江北中書行省淮西江北肅政廉訪司

廬江縣志

卷之二

輿地

沿革

十二

元至元十四年升無爲軍爲無爲路二十八年降爲州隸廬州路廬江縣仍舊

明屬廬州府隸南直隸

明初置廬州府領州二縣六郡治合肥省無爲縣以廬江及無爲州巢縣并屬廬州府廬江始不隸無爲

國朝仍屬廬州府隸江南布政使司康熙六年隸江南安徽布政使司

府治仍在合肥領州二縣六雍正二年升六安爲直隸州別領英山霍山而廬江縣仍舊

唐刺史盧潘廬江四辨

潘唐大中時廬州刺史舊志誤作藩據鄭樵通志正之

廬江辨

凡作事必法古名地者必求於古地而不古失其地矣秦一天下破國爲郡名地者唯求於禹貢於山海經故始皇二十六年以揚州之地爲九江鄣郡會稽九江會稽出禹貢鄣出山海經按海內南經云三天子鄣山在閩西注云在歙縣東浙江出焉海內東經云廬江出三天子都入江彭澤西注云卽彭蠡也今彭澤縣西是也經又云一名天子鄣江南之由此名也廬山在彭蠡西厓因廬江以立名項羽封英布爲九江王盡有揚州之地漢高改九江曰淮南卽封布爲淮南王十一年布誅立皇子長爲淮南王孝文八年長死徙封長子安爲淮南王賜爲廬江

廬江縣志

卷之二

輿地

沿革

十三

王勃爲衡山王應劭曰廬江古廬子國也考尋載籍古無廬國之名是劭以廬江爲廬戎之地也按左氏傳廬戎亦曰廬在宜城西山中劭誤以中廬之廬爲廬江之廬後人因迷而不悟按漢書諸侯王年表北界淮瀕略廬衡爲淮南顏注云廬衡二山名也衡卽今霍山按東漢地理志建武十年省六安國以縣屬廬江郡郡十四城有舒尋陽襄安郡南有九江東合爲大江大江之南與彭澤相接旣得尋陽尋陽有廬山因廬江而名古矣廬江謂廬江王也之地包江南北而有之周景武廬江記云匡俗周威王時生而神靈居於山上世稱廬君則是俗因山爲號不因俗爲廬而名山爲西域法者曰惠遠作廬山記不知所始乃曰